



Хүндүткелдин езулалы.

Төөгүлүг хүннүң организастыг кезээн № 1 школаның өөреникчилери Ада-чурттуң Улуг дайынының дугайында кысказы-биле чугаалап таныштырган. Совет Эвилелиниң Маадыры Михаил Артемьевич Бухтуев 1925 чылдың ноябрь 23-те Тожу кожууннуң Кара-Даш суурунга ажылчын өг-бүлеге төрүттүнген. Кажан немец-фашист дайзыннар-биле демисежип, төрөөн чурту дээш амы-тынын бээр ужурга таваржырда, ол чүгле 19 харлыг турган. Хып дээн чалыы назын үези. М.А.Бухтуев каржы-дошкун дайын үезинде ССРЭ-ниң ат-алдары болгаш хамаарышпас чоруу дээш демисежип тургаш, эрес-дидим тулчуушкунга өлүрткен.

Ада-чурттуң Улуг дайынының маадырларынга болгаш тылдың киржикчилеринге оларның чырык адынга маадырлыг чоруу дээш мөгейбишаан, кажыыдал минутазын кылган.

Школаның өөреникчилери М.А.Бухтуевтиң болгаш өске-даа маадырларның хөрек тураскаалдарының чанынга туруп, ак, кызыл өңнүг гвоздика чечектерни салган.

Кым-даа, чүц-даа уттундурбаан

МААДЫРНЫҢ ЧЫРЫК АДЫНГА САКТЫЫШКЫН ХҮНҮ

Ноябрь 23-те Тывадан Совет Эвилелиниң Маадырларының бирээзи Михаил Артемьевич Бухтуевтиң 85 харлап турарын болгаш ооң чырык адын мөңгежидип, хөрек тураскаалының чанынга сактыышкынны кылган. Ук хемчег найысылалдың Национал парк аксында Тиилелге шөлүнге болуп эрткен. Аңаа ооң адын эдилээни № 1 школаның өөреникчилери болгаш башкылары киришкен.

М.В. Франк, Кызылдың № 1 школазының башкызы: «Бистиң школавыс Совет Эвилелиниң Маадыры М.А.Бухтуевтиң адын эдилеп чоруурунга чоргаарланмас аргавыс чок. Бо хүн Маадырның төрүттүнген хүнүн демдеглевишаан, ооң чырык адынга мөгейип, сактыышкынны кылдывыс. Бо хүн биске төөгүлүг болушкун хүнү болуп турар». Мария Васильевнаның

чугаалааны-биле алырга, шак мындыг сактыышкыннар хемчеглери өөреникчилерниң патриотчу кижизидилгезинге, төрөөн чуртунга ынак болурунга база тайбың дээш тулчуп, амы-тынын берген өгбелериниң маадырлыг чоруун хүндүлөп чоруурунга улуг салдарлыг.

Валерия КОНГАР.

Ай-кыс МАСПЫК-ООЛДУҢ тырттырган чуруктары.



Өөреникчилер Маадырның дугайында.